

же и въ тыхъ Абрамовичовскихъ кгрун-  
тѣхъ декретъ короля его милости за-  
шолъ, которыхъ се намъ не годило  
розознавати, ани въ жадную вонтпли-  
вость приводити: про то тое вывѣдо-  
ванье наше въ той справѣ до вѣдомо-  
сти его королевское милости, пана на-  
шого милостивого, отсыламы. Также  
и тые привилея, ревизіе, передъ нами  
покладанные, жадного декрету не чинечи  
въ нихъ, подъ розсудокъ маестату его  
королевское милости, яко судьи най-  
высшого, поддаемы и сторонамъ обѣма  
рокъ становитисе передъ его королев-

скою милостью и тое справы на дворѣ  
его королевское милости пильновати  
складаемо, по отворенью лимитаціи ене-  
ральное у три недѣли. А мѣщане отъ  
всее тое справы до короля его мило-  
сти апелевали; такъ же тежъ и панъ  
Брезовскій отъ звонтпленья права на  
Абрамовщизну на тотъ же часъ апе-  
левалъ, чого есьмо имъ допустили. И  
на то дали имъ обудвумъ сторонамъ  
тотъ нашъ актъ подъ нашими печать-  
ми и съ подписы рукъ нашихъ. Пи-  
санъ у Берестьи, року, мѣсеца и дня  
звышписаного.

## 1599 г.

Изъ книги за 1597—1619 годы, стр. 105—141.

### 7. Подкоморское опредѣленіе, содержащее раздѣлъ поземельныхъ владѣній ме- жду Лукой Ивановичемъ Солтаномъ и участниками въ имѣніи Добриняхъ.

Лѣта Божого Нароженья 1599, мѣ-  
сяца Августа 24 дня, у вовторокъ.

За декретомъ земскимъ Берестей-  
скимъ, также за позвомъ моимъ под-  
коморскимъ, а потомъ за интерцызою  
межи участниками Добрынскими, ни-  
жей имени менованными, на сконченье  
о здержанье дѣлу вѣчистого во имѣнью  
ихъ Добринскомъ, черезъ декретъ мой  
подкоморскій и умоцненье его актомъ  
моимъ подкоморскимъ межи себе да-  
ною, приточиласе справа передъ мене  
Яна Шуйского—подкоморого воеводства  
Берестейского у во имѣнью Добрин-  
скомъ, въ повѣтѣ Берестейскомъ лежа-  
чомъ, пану Лукашу Ивановичу Солта-  
ну и малжонцѣ его паней Доротѣ Ми-  
путянцѣ зъ участниками его Добрин-  
скими, паномъ Валентымъ Чарнавскимъ

и зъ малжонкою его панею Ганною, и  
съ паномъ Криштофомъ Звѣромъ и мал-  
жонкою его панею Галжкою Петров-  
нами Брошковскими, и съ потомками  
небожчика пана Станислава Бростов-  
ского—панною Ганною и Барбарою и  
паномъ Станиславомъ Бростовскими,  
также и съ панею Настазією Солта-  
новною, малжонкою небожчика пана  
Яна Кгрека, по той интерцызѣ межи  
нихъ участниковъ на сконченье того  
дѣлу даного змерлого о привлаченье  
черезъ нихъ участниковъ и держанье  
большости частей надъ належностью  
ихъ, во имѣнью Добрыню. Нижъ онъ  
панъ Солтанъ, яко о томъ всемъ ши-  
рей декретъ земскій и позовъ мой под-  
коморскій, также интерцыза ихъ, ме-  
жи себе даная, въ собѣ обмовляетъ, а



такъ того дня вышешпомененого на року припаломъ, черезъ мене зложономъ, тые вси участники вышешпомененные зъ малжонками своими, а пани Кгрековая сама, постановившисе очевисте передо мною, противъ интерцизъ своей ничего не контрадикуючи, на дѣлъ вси спольне добровольне позволили и просили, абымъ водле ихъ постановенья на интерцизъ каждому зъ нихъ часть его, ему належающую, водле помѣры и пробы, черезъ мѣрники, на то имъ въ семъ же року деветдесять девятомъ одъ мене приданые и тежъ замѣны межи нихъ починенные, роздалъ и имъ подалъ, поступилъ такъ въ людехъ, въ кррунтехъ, въ борахъ, лѣсахъ, въ пашняхъ и въ будованьяхъ дворныхъ, въ сѣножатехъ, въ ставехъ, въ млынехъ, пожиткохъ во имѣнью Добрыньскомъ, штобы кому одно слушне на часть его приналежало. Прото я, взявши вѣдомость зъ мѣрниковъ и зъ нихъ самыхъ пановъ участниковъ, ижъ се никому кривда въ пробѣ и въ помѣрѣ не дѣеть, водле реестру мѣрницкого Симона Врончевского, мнѣ поданого, такимъ есьми способомъ межи ними участниками дѣлъ вѣчистый учинилъ, изъ нихъ каждому часть его подалъ и поступилъ. А на-первей приселенья подданныхъ всихъ зъ одного Добрыньскихъ, Погарскихъ, впередъ которымъ теперь должню пущено по шнуровъ чотырнадцати, перечина одна за гумны есть шнуровъ петнадцати, прutowъ пять, перечина другая болотомъ одъ Городища шнуровъ петнадцать, прutowъ пять, учинить того волокъ двѣ, моркговъ дванадцать, прutowъ десеть. Тамже, подле тыхъ садыбъ есть здавна выгонъ, которогожъ таяжъ должина шнуровъ чотырнадцать, а перечина ровная по шести прutowъ, чинить моркговъ два,

прутовъ двадцать чотыры. На томъ теперь сѣдитъ Борисъ Громовичъ—подданный панее Кгрековое. Тые садыбы Погорскіе на четверо се дѣлятъ: першая часть отъ Подсмужца и отъ коловорота панее Яновое Кгрековое. Левонъ Богдановичъ полволоки, сынъ одинъ; Курило Юско—зять Легоновъ, волоки четвертина, сынъ одинъ; Иванъ Васько Цебневичъ—четвертина волоки, сынъ одинъ; Мартинъ Трохимъ Цебневичъ—полъ волоки, сыновъ три—Иванъ, Васько, Ярмошъ; Карпъ Цебневичъ полволоки, сыновъ три—Мартинъ, Павелъ, Максимъ; Михно Мицковичъ—полволоки, сыновъ два—Яцко, Федько; Гринъ четвертина волоки, сыновъ два—Андрей, Макаръ; Иванъ Мицковичъ—полволоки, сыновъ два—Парфимъ, Филипъ; Волосъ Каруковичъ—полволоки, сыновъ чотыри—Иванъ, Яцко, Остапко, Ничпоръ; Остана Вищуха—полволоки, сынъ одинъ—Миць; и внукъ Лазко Хотеновичъ—полволоки; Андрей Целовенчичъ—волоки одну третину; Федько Целовенчичъ—волоки одну третину, сынъ одинъ—Максимъ; Евтухъ Целовенчичъ—волоки одну третину, сынъ одинъ—Федоръ; Воца Богдановая—волока одна, сыновъ три—Сергѣй, Петрашъ, Федько; Тимошъ Миклашеня—полволоки, сынъ одинъ—Лукьянъ, братьи чотыры—Радко, Иванъ, Денисъ, Тарасъ; Кратъ Панасовичъ—пулволоки; Волосъ Панасовичъ—полволоки; Федько Панасовичъ—полволоки; Тимошъ—полволоки; Стець Полшковичъ—пулволоки, сынъ одинъ—Ивашко; и Иванъ Попикъ—пулволоки; Иванъ Шелупко—полволоки. То суть подданные панее Кгрековое вышешписанные съ третее части, двѣ четвертыхъ частей съ части пана Копцевского и пана Брошковского купныхъ. А то се починають



подданные пана Чарнявского съ третее части, четвертая, на перодъ: Мартинъ Мойсичъ, сыновъ чотыры—Савка, Иванъ, Васько, Калихъ; Супрунъ Ганьковичъ, сыновъ два—Макаръ и Потапъ; Ганьчиха вдова, сыновъ два—Ивашко; Иванчания вдова, сыновъ два—Иванъ, Ивашко; Иванъ Телешъ, сыновъ два—Панасъ, Васько; Хвалко Мойсичъ, сыновъ два—Нестеръ, Борисъ; Михно Литвинъ, сыновъ два—Гриць, Тимошъ; Тишъ Мешковичъ, сыновъ три—Семенъ, Кондрать, Мойсей; Иванъ Ганковичъ; Сенюта Цебневичъ, сынъ одинъ—Гриць; Германъ Каруковичъ, сыновъ два—Ильяшъ, Исаць; Наумъ Ивановичъ. А то суть подданные пана Звѣровы и малжонки его панее Галшки Брошковской части третее часть четвертая, а напередъ: Адамъ Демковичъ—полволоки, маеть братьей три—Андрей, Миско, Остафей; Ваць, Иванъ, Олешко, Пронъ Волошиновичове—волока одна, въ Ивана сыновъ два—Семенъ и Калихъ, Мицута Новикъ—полволоки, сыновъ два—Гриць и Евтухъ, а у того Грица сынъ одинъ—Потапъ; Миць Филиповичъ—пулволоки, сынъ одинъ Яцко; Савонъ Филиповичъ—полволоки, сыновъ два—Костюкъ и Лазко; Федько Тинець прочъ пошолъ, волока одна, у него сыновъ два—Иванъ.... Голодъ огородникъ, сынъ одинъ, Нестеръ; Янъ Гайдукъ—полволоки, сынъ одинъ—Яско; Федоръ. . . . \*) полъ волоки, сыновъ два—Яско, Ярошъ. То суть подданные списаны зупелное части третее, которая се на четверо дѣлитъ. Садобы за выгономъ ку дворови пана Солтановому, то суть шостые части, тымъ также долинию пушноу ровно по шнуrowъ чотырнадцати, пречина одна, одъ дѣ-

су есть шнуrowъ шесть, прutowъ два; пречина другая одъ улицы есть шнуrowъ шесть, прutowъ шесть, учинить морговъ двадцать деветь, прutowъ двадцать шесть. Садобы подданныхъ за церковью и корчмою Кучаньскихъ, тыхъ же шостыхъ частей теперъ подѣленныхъ должина одна, подле плота Хведька Прищепы, подданого пана Солтанового, одъ камня до межи подъ житомъ шнуrowъ осьмнадцать, прutowъ два; другая должина почавши одъ загуменъ Погорскихъ черезъ садъ Волошиновъ до песку подъ корчму пана Звѣрову шнуrowъ шестнадцать, пречина равна стѣною отъ жита и одъ утинковъ по концахъ платовъ. Тыхъ седлицъ яко тежъ и улицою того шнуrowъ девятьнадцать, прutowъ пять, учинить того волокъ три, морговъ двадцать одинъ, прutowъ полъ пета. Другіе садобы подрѣчные, почавши одъ гумна пани Кгрековое, ажъ до млына надъ рѣкою Кресною, должина подле гумна пани Кгрековое одъ рогу болота по криницу, поки здавна мѣривано, того есть, шнуrowъ шесть; а въ посродку тыхъ садобъ должиня одъ мельника есть шнуръ одинъ, прutowъ пять, пречина ровная, отъ гумна пани Кгрековое ажъ до млына шнуrowъ девятьнадцать, учинить того волока одна, прutowъ полъ сема, учинить того кгрунту на тыхъ мѣстцахъ троухъ, што належитъ на шестые части волокъ пять, морговъ двадцать одинъ, прutowъ семь, которые шостые части теперъ знову въ томъ року тысеца пятьсотъ девѣдсѣать девѣтомъ, дня вышей помененого подѣлено и розмѣроно тымъ способомъ. Съ того наперодъ на попа есть вольный моркгъ одинъ, прutowъ полчотырнадцати, ку тому на млынара есть вольныхъ прutowъ двадцать полтора, а зо-

\*) Пропускъ въ подлинникѣ.



ставаесть на шостые части садибъ подданныхъ волокъ пять, моркговъ девятнадцать, прutowъ два, которые подѣлено на шестеро, дано на каждую зособна шостую часть, сполна по моркговъ двадцати осьми, прutowъ пети и по одной третине прута. Наперодъ отъ меня дано пану Солтанови въ одномъ мѣстцу моркговъ осемнадцать, прutowъ полосемнадцать, въ другомъ, гдѣ Цыкганъ, въ третимъ, гдѣ Скибка, додано моркговъ семь, всего въ трехъ мѣстахъ моркговъ двадцать осемь, прutowъ пять и одна треть прута. Тутъ се починають подданные шостыхъ частей, яко въ приселеню сѣдять: Наперодъ подданные на шостую часть паней Звѣровой и пана Звѣра, на часть ихъ належачіе: Михно Ковалюкъ—полволоки, сыновъ два—Михалъ, Ясько Шуть, у Михала сыновъ чотыры—Макаръ, Кузьма, Семень, Самуйло; Янко Ковалюковичъ Шуть, на огородѣ, сыновъ два—Кондратъ и Мацко; Иванъ Дудчєня—полволоки, сыновъ два—Ярошъ, Романъ; Опанасъ Дудчєня зъ братомъ Зенькомъ—на полволоку, Мартинъ Поповичъ—полволоки; Стець Шимъ Болтовичъ—полволоки, пасербовъ два—Михно, Матфей; Миць Гунало—полволоки; Божкова вдова—полволоки, сыновъ два—Мойсей, Гриць; Якубъ Стацєня Сломовскій—на огородѣ, сынъ одинъ—Ясько; Демьянъ Коваль, на огородѣ, сыновъ три—Федоръ, Тимошъ, Иванъ; Андрухъ, Марко, Иванъ, Федько, Ульянецъ, Куць Гуковичи—полволоки; Костюкъ Шепелевичъ—полволоки, сыновъ два; Супрунъ Башевичъ—полволоки, сыновъ два; Пархимъ Башевичъ—полволоки, сыновъ пять—Матфей, Юсько, Петрашъ, Гриць, Мартинъ. А то другая часть шостая паней Кгрековой: Борисъ Кгровичъ—одна

третья часть волоки, сыновъ три—Гриць, Яцко, Демидъ; Иванъ Шадейко—полволоки, сынъ одинъ—Саць; Ивашко Хотєновичъ—полволоки, сынъ одинъ—Останко; Федько Хотєновичъ—полволоки, сыновъ три—Семень, Ивашко, Ярошъ; Андрей Башевичъ—полволоки, сынъ одинъ—Левкій; Иванъ Сацєня—полволоки, сынъ одинъ—Юско, братовъ два—Панасъ и Тимошъ; Германъ Дреклевичъ—полволоки, сыновъ три—Климъ, Иванъ, Миць; Федько Громовичъ—полволоки, сыновъ три—Демидъ, Теренко, Стець; Митрухъ Федьковичъ—полволоки, сыновъ чотыры—Васько, Демидъ, Романъ, Трохимъ; Остапко Дреклевичъ—полволоки, сыновъ два—Андрей, Трохимъ; Мартинъ Литвинъ—полволоки—Костюкъ Башевичъ—полволоки; Тимошъ Волчекъ—полволоки, сынъ одинъ—Андрей; Стась Ермяковичъ—одна четвертая часть волоки, сыновъ пять—Стець, Мисько, Мартинъ, Яцко, Мойсей; Антонъ Челевенчикъ—полволоки. А то тежъ другая часть купная пана Звѣрова въ шостой части: Игнатъ Шимъ Болтовичъ—полволоки, сыновъ три, абратанокъ Логвинъ; Михно Шевко—полволоки, сыновъ три—Федько, Федоръ Кглушій, Терешко, у Федька сынъ одинъ Пархимъ; Максимъ Варивода—четвертая часть волоки; Куршиковичъ—полволоки, сынъ одинъ—Кузьма; Даць Басарабъ—полволоки, сыновъ три—Мойсей, Гриць, Васько; Сычкова вдсва—полволоки, сыновъ пять—Гаврило, Яцко, Ярошъ, Демидъ, Иванъ; Стець Мацєня зъ братомъ Яномъ—полволоки; Якимовая вдова, на огородѣ, пасербовъ два Якимовыхъ сыновъ; Волковая вдова, сынъ одинъ, пасербовъ два Волковичовъ, Мелешко, Даць, Тимошъ. А то часть шостая подданныхъ пана Чарнявского и малжонки



его: Федоръ, Юсько Ковалевы сынове съ половиною маестности; Яцько Федюковичъ, сыновъ два—Васько, Демидъ; Давидъ Сезноковичъ, сынъ одинъ—Яцько, братовъ два—Романъ, Иванъ; Тишъ Цемяковичъ, Ваць Паць, Филиппъ Артишковичи, Панаско Братишковичъ, Семень Ждановичъ, сыновъ три—Митрухъ, Васько, Тимощъ; Васько Лышневичъ, сыновъ три—Андрей, Овхимъ, Гаврило Приступа; Гарася Лысневича, сыновъ три—Данило, Васько, Тимошъ; Иванъ Лысневичъ, сынъ одинъ—Артихъ; Иванъ Тюсикъ, сынъ одинъ—Васько. А то есть часть шестая подданныхъ въ Добрыню пана Солтановыхъ и малжонки его паней Дороты Мицутянки: Саць Бложковичъ — волока одна, сыновъ два—Васько, Яцько; Иванъ Артишковичъ, сыновъ три—Левонъ, Андрей, Семень, три четвертые волоки; Иванъ Прима Кужель—три четвертые волоки, сыновъ два—Иванъ, Калихъ, пасербовъ два—Левко, Петрашъ Стецевичы; Германъ Михновичъ — одна четвертина волоки, сыновъ три—Лукашъ, Кондратъ, Савка; Федько Прицѣпа—волока одна, пасербовъ три—Демидъ, Иванъ, Андрей Черняковичи; Давидъ Ивановичъ—одна четвертина волоки, сынъ одинъ—Кратъ; Карпъ Мелеховичъ—полволоки, зъ братомъ Семеномъ; Терешко Скибичъ—одну шостую часть волоки, сынъ одинъ—Лавринъ; Иванъ Скибичъ—двѣ шостины волоки, сыновъ два—Кондратъ, Матфей; Демидко Винникъ — одна четвертая часть волоки, сыновъ два—Вакула, Миронъ; Матфей Громовичъ—одна четвертая часть волоки, сынъ одинъ—Певко, внукъ одинъ — Ивановъ сынъ Ясько; Гриць Масюковичъ—полволоки. А то есть подданные на другую шестую часть купную у пана Брошков-

ского, на часть панее Кгрековое: Дешко Олельховичъ — полволоки, сыновъ два—Курило, Лазко; Иванъ Громовичъ—одна третья часть волоки; Курило Громовичъ — одна третья часть волоки, сынъ одинъ—Мойсей; Мацько Громовичъ, Кравецъ, Федько Громовичъ — полволоки, сынъ одинъ — Радко; Овхимъ Громовичъ—полволоки, сыновъ три—Иванъ, Денисъ, Семень; Иванъ Корпышъ Скибичъ—полволоки, сыновъ пять—Мойсей, Данило, Олексей, Гриць; Гарасимъ Викторъ — полволоки, сыновъ два—Семень, Лукашъ; Михно Бондаръ—полволоки, сыновъ два—Саць и Калихъ; Якимъ Мацковичъ — полволоки, сынъ одинъ—Хваль; Макариха вдова—на огородѣ, сыновъ чотыри—Кузьма, Якимъ, Костюкъ, Тимофей; попъ рускій на волоцѣ, тотъ отъ усихъ участниковъ Добринскихъ тую волоку на церковь держить, такъ съ третее части, которая се на четверо дѣлитъ, яко изъ двохъ, которые се на шесть частей дѣлятъ; такъ тежъ и млынаръ изъ огородомъ своимъ до млына всимъ участникомъ належить. Дворъ пана Солтановъ, селища пана Солтанового при томъ тягненю, гдѣ навозы черезъ песокъ тягнено мимо грушку тую, надъ рѣкою Крсною, водле млыновъ есть двадцать полъ-сема прута, навозы и сѣножати водле трибовъ за приселеньемъ пана Солтановымъ концемъ до одного трибу, што идетъ отъ Погарцовъ за гумны, а другимъ до трибу, што идетъ отъ Залѣся, дѣлечи Городище отъ Погарцовъ; должина одна межою Поповичовою есть шнуровъ чотырнадцать, другая должина отъ рѣки Крсны, то есть шнуровъ дванадцать, протовъ шесть; пречина одна, надъ пескомъ одъ навозу мимо грушку и мимо дворъ пана Солтановъ, до рѣки